



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj:01-7-02-2-3992/20  
Dana:03.09.2020.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET: Odgovor na zastupničku inicijativu zatupnice Neire Dizdarević;**

**VEZA: Vaš akt broj:01-04-27823-25/20 od 28.07.2020. godine;**

U prilogu dopisa, u skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15 i 48/16), dostavljamo odgovor na zastupničko inicijativu „o stanju protivpožarne zaštite u stambenom sektoru na području Kantona Sarajevo“, koje je na 37. Radnoj sjednici Skupštine Kantona Sarajevo postavila zastupnica Neira Dizdarević.

Obavještavamo Vas da je ovo Ministarstvo u okviru svoje nadležnosti inicijativu razmotrilo i poduzelo mjere na njenoj realizaciji. U vezi s tim, informišemo vas o sljedećem:

Inspekcija za zaštitu od požara MUP-a Kantona Sarajevo shodno Zakonu o zaštiti od požara i vatrogastvu ("Službene novine Federacije BiH", broj:64/09), podzakonskim propisima i planovima vršenja inspeksijskih pregleda redovno vrši, između ostalih i inspeksijski nadzor objekata kolektivnog stanovanja na području Kantona Sarajevo. Obzirom na veliki broj stambenih objekata u Kantonu Sarajevo ova inspekcija u odnosu na njenu kapacitiranost nije u mogućnosti izvršiti nadzor kod svih ovakvih objekata. U nadležnosti inspekcije su, pored nadzora stambenih objekata i poslovi nadzora nad primjenom Zakona i podzakonskih propisa, a koji se odnose na javne objekte u vlasništvu Kantona, objekte za javnu upotrebu, transport i skladištenje zapaljivih i opasnih materija i gasova, benzinske pumpe, kotlovnice, nadzor nad radom pravnih lica koja su registrovana za održavanje aparata za gašenje požara, nadzor nad dimnjačarskim poslovima itd. Pored navedenog, Inspekcija za zaštitu od požara obavlja nadzor po zahtjevima građana i pravnih lica. U stambenoj oblasti Inspekcija za zaštitu od požara MUP-a Kantona Sarajevo je nadležna za preglede elaborata za zaštitu od požara gradilišta, ali ne i same gradnje i tehničkog prijema objekata.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Za cjelovito sagledavanje stanja protivpožarne zaštite u objektima kolektivnog stanovanja na području Kantona Sarajevo neophodno je uzeti u obzir sljedeće:

- stanje vatrogasnih prilaza i pristupa za vatrogasna vozila stambenim zgradama je u nadležnosti Kantonalne uprave civilne zaštite,
- u objektima koji se grade ili su nedavno izgrađeni nadzor sa aspekta zaštite od požara vrše općinske građevinsko-urbanističke inspekcije,
- u objektima starije gradnje stanje zaštite od požara je dosta lošije zbog neodržavanja instalirane opreme i neodgovornosti etažnih vlasnika i upravnika zgrada zbog čega je ovo Ministarstvo iniciralo izmjene i dopune Zakona o upravljanju zajedničkim dijelovima zgrade ili drugih podzakonskih akata.
- u objektima u kojima su vršeni inspeksijski pregledi otklonjeni su nedostaci i stanje protivpožarne zaštite je zadovoljavajuće.

Imajući u vidu potrebu koordinacije više subjekata u pripremi cjelovite informacije o stanju protivpožarne zaštite u stambenom sektoru ovo Ministarstvo predlaže imenovanje radne grupe koja će pripremiti navedenu informaciju sa prijedlogom mjera na unapređenju mjera zaštite od požara.

S poštovanjem,



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0) 33 286-701, 286-702,  
Fax: + 387 (0) 33 226-445  
Sarajevo, La Benevolencije 16

